

**ՓԱՍՏԱԹՂԹԵՐ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԱՏՄՈՒԹՅԱՆ ՄԱՍԻՆ**

Հայ ժողովրդի երկարամյա ազգային-ազատագրական պայքարը պսակվեց հաջողությամբ 1918 թ. մայիսի 28-ին ծնվեց Հայաստանի Հանրապետությունը, որին վիճակված էր դժնդակ պայմաններում գոյատևել 2,5 տարի 8 ամիս, այն կործանվեց Թուրքիայի և Խորհրդային Ռուսաստանի համատեղ ջանքերով, որը խաթարեց մեր բնական զարգացումը: Այդպիսի զարգացմանը վերադառնալու տեսակետից հրատապ և կենսական նշանակություն ունի հայոց ազգային պետության փորձը:

Հրապարակվող փաստաթղթերը հայտնաբերվել են Հայաստանի պատմության պետական կենտրոնական արխիվում: Վավերագրերը ներկայացնում են Հայաստանի Հանրապետության կյանքի տարրեր կողմերը և դասակարգված են ժամանակագրական կարգով:

Ռ. Ա. ՆԱՀԱՏԱԿՅԱՆ

**Հայոց ազգային խորհրդի հայտարարագիրը՝ Հայաստանի Հանրապետության
առաջին կառավարության կազմի մասին**

24 հուլիսի, 1918 թ.
Երևան

Հայոց ազգային խորհուրդը հայտնում է, որ վազմված է Հայաստանի Հանրապետության կառավարությունը՝ հետևյալ կազմով
նախարար նախագահ՝ Հովհաննես Քաջազնունի
նախարար արտաքին գործերի՝ Ալեքսանդր խաթախյան
նախարար ներքին գործերի՝ Արամ Մանուկյան
նախարար զինվորական՝ Գեորգի Հովհաննես Հախվերդյան
նախարար ֆինանսների՝ խաչատուր Կարճիկյան
նախարար արդարադատության՝ բաց:

Ալեքսանդր խաթախյանի բացակայությանը արտաքին գործերի նախարարի պաշտոնը վարելու է նախարար նախագահը:

Արդարադատության նախարարությունը ժամանակավորապես կառավարելու է խաչատուր Կարճիկյանը:

Հայոց ազգային խորհուրդ

Հայաստանի Հանրապետության պատմության պետական կենտրոնական արխիվ (այսուհետև՝ ՀՀ ՊԳԿ), ֆ. 199, ց. 1, գ. 10, թ. 2: Տպագիր, հայերեն, թուրքերեն, ռուսերեն:

**Վրաստանում Հայաստանի Հանրապետության դիվանագիտական միսիայի
գոյությունը արտաքին գործերի մինիստրին՝ մաքսանենգության մեծ
տարածում գտնելու մասին**

№ 950

29 սեպտեմբերի, 1918 թ.
Թիֆլիս

Խնդրում եմ ներքին գործերի պ[արոն] մինիստրի ուղարկությունը հրավիրել այն հանգամանքի վրա, որ ապրանքների մաքսանենգ արտահանությունը Հայաստանից չափազանց շատացել է վերջերս: Ապրանքներ արտահանում են թե սովորական տրակտով և թե զարտուղի լեռնային ճանապարհ-

ներով, Մաքսանենգները հատկապես մանուֆակտուրայի արտահանության համար օգտվում են փրկահարկ արկղներով, անկողինների մեջ են պապում և այլն: Մաքսանենգությունը մասնավորապես Այրումի և Սաֆահյանի ճանապարհներով այնպիսի շահեր է ընդունել, որ նույնիսկ այդ վայրերի վրաց կոմիսարները ծաղրի առարկա են դարձնում մեր երկրի կարգերը:

Այս խնդրի վրա մասնավոր նամակով հրավիրելի եմ և պ[արտն] Դրոյի սուլադրությունը, որովհետև մաքսանենգների գլխավոր ճանապարհը Դիլիջանի վրայով է:

Խորին հարգանքով՝ Ա. Ջամսլյան

22 ՊԵՏԱԿԱՆ, ֆ. 200, ց. 1, գ. 106, թ. 35: Բնագիր, ձեռագիր:

№ 3

Մինիստրների խորհրդի որոշումը՝ Շուշիի Մարիամյան օրիորդաց դպրոցի համար նյութական միջոցներ հատկացնելու մասին

22 մայիսի, 1919 թ.

Երևան

«Շուշիյան Մարիամյան օրիորդաց դպրոցի ուսուցիչ-ուսուցչուհիներին 1919 թ. հունվարի 1-ից մինչև սեպտեմբերի 1-ը ուժեղներ տալու համար հատկացնել քառասուն հազար հինգ հարյուր ռուբլի (40500), հանձնարարելով ֆինանսների մինիստրության՝ բանալ համապատասխան վարկ հանրային կրթության մինիստրության»:

Սույն օրենքը հաստատված է Մինիստրների խորհրդի 1919 թվի մայիսի 22-ի նիստում ըստ Հայաստանի խորհրդի 1919 թվի ապրիլի 27-ին ընդունած օրենքի:

Մինիստրների խորհրդի գործերի կառավարիչ՝ Գ. Խստիսյան
22 ՊԵՏԱԿԱՆ, ֆ. 199, ց. 1, գ. 57, թ. 47: Բնագիր, ձեռագիր:

№ 4

Հանրային կրթության և արվեստի մինիստրության օրենագիծը՝ Դվինի շրջանը հնագիտական շրջան հայտարարելու մասին

13 հունիսի, 1919 թ.

Երևան

«Հայաստանի հին մայրաքաղաք Դվինի շրջանը հայտարարել հնագիտական շրջան և հանձնարարել հանրային կրթության և արվեստի մինիստրության՝ կազմել մի հանձնախումբ և նրա միջոցով անմիջապես ճշտել հնագիտական շրջանի սահմանները և ապա ըստ այնմ միջոցներ ձեռք առնել պահպանության համար: Այս նպատակի համար վարկ քանալ հանրային կրթության և արվեստի մինիստրի անունով 7740 ռ[ուբլի]՝ համաձայն ներկայացրած նախահաշվի»:

Ի տ[եղի] հանրային կրթության և արվեստի մինիստր՝ Ն. Հովհաննիսյան
22 ՊԵՏԱԿԱՆ, ֆ. 199, ց. 1, գ. 57, թ. 73: Բնագիր, մեքենագիր:

№ 5

Պարսից շահի հեռագիրը Հայաստանի Հանրապետության վարչապետ Ալ. Խատիսյանին՝ հայ-պարսկական բարեկամության հարաբերություններին մասին

18 հունիսի, 1919 թ.

Քեհրան

Պարսից բարձր կառավարությունը միշտ ցանկացող է եղել և է հայերի բարեբախտության և երջանկության և անընդհատ իր հողի մեջ նրանց հանգրստության և անդորրության համար մասնավոր ճիգ ու ջանքեր է անում և հույս ունի, որ խաղաղարար կոնֆերանսից պաշտոնական բնույթ ձեռք բերելուց հետո այդ կառավարության գործիչներն, ինչպես որ հեռագրել են, լավ հարաբերության մեջ կլինեն իրենց հարևան պարսից կառավարության հետ և հետզհետե այդ լավ հարաբերությունների և սերտ բարեկամությունների կապերը երկու կողմից կաշխատեն ամրապնդել: Պարսից կառավարությունն յուր կողմից ամենաբարձր աջակցությունը և կարեկցությունը ինչպես որ առաջուց էլ ունեցել է հայերի նկատմամբ չի խնայելու, որ էլ որ հարկ լինի այդ մասին կատարյալ հավաստիություն է տալիս:

22 ՊՊԿԱ, ֆ. 200, ց. 1, գ. 13, թ. 13: Բնագիր, ձեռագիր:

№ 6

Բաճապետ և մանկավարժ Սենեքերիմ Տեր-Հակոբյանի խնդրագիրը հանրային կրթության և արվեստի մինիստրին՝ բաճախուսական հետազոտությունների համար իրեն վճարելու մասին

30 հուլիսի, 1919 թ.

Երևան

Տեր նախարար

Երբեմն տաճկական տիրապետության ներքև գտնվող հայկական գավառների բնիկների ջնջումի և տեղահանության պատճառով տյնչացվեց նաև նույն շրջանների հայ ժողովրդի թե՛ նյութական և թե՛ մտավոր մշակույթի արդյունքների մեծագույն մասը: Այդ կորուստը մասամբ դարմանելու համար վերջին երեք տարիներում փորձեր եղան փախստականների մեջ պահպանվող այդ արդյունքների գեթ մեացողները փրկելու:

Գրամատույցս, որպես մինը այդ նպատակի համար աշխատողներից և գիտակցարդ պատարվածներին, գալիս է Ձեր ուշադրությանը ներկայացնելու, որ այդ ուղղությամբ պատարելի աշխատանքների մեջ հերթական է հայ ժողովրդական բանահյուսության վիպական գրույթները գրի առնելը շարունակելու կարիքը, որովհետև պատմողներից շատերը հետզհետե չքանում են, և քանի դեռ մեր գրականության այս փարեոր մասը լրացնելու համար Հայաստանի մոտակա գավառներում գտնվում են Աղձնյաց, Տուրուբերանի և Մուկաց աշխարհներից պատմող փախստականներ, կարելի է հնարավոր կացությանե՛լ այդպիսիների մոտավոր ներկայությունից օգտվելու: Մույն նպատակի համար հաջողագույն բանահավաքների բացակայության դեպքում կխնդրեի դատություն ընձեռել գրամատույցիս առաջիկա ամիս և կեսի ընթացքում հիշածս նյութերը հավաքելու համար: Առ այս ամենաանհրաժեշտ ծախսերն են՝ 1250 ռ[ուբլի] պատմողների վարձատրության համար, 2000 ճանապարհածախսաց և ուղեկցի, 750 ռ[ուբլի] լուսանկարչական և այլ պիտույքների համար, ընդամենը շուրս հազար: Հավաքված նյութերը գեկուցման հետ միասին կներկայացվեն նախարարությունը:

Սենեքերիմ Տեր-Հակոբյան

22 ՊՊԿԱ, ֆ. 207, ց. 1, գ. 122, թ. 33: Բնագիր, ձեռագիր:

№ 7

Հայաստանի Հանրապետության հանրային կրթության և արվեստի մինիստր՝ Ն. Աղբալյանի գրությունը արտաքին գործերի մինիստրին՝ վերջինիս ենթակա հիմնարկներում արխիվների պահպանության համար միջոցներ ձևակերպելու մասին

№ 1874

9 օգոստոսի, 1919 թ.

Երևան

Մինիստրության հասած ամենաստույգ տեղեկությունների համաձայն Երևանում, Ալեքսանդրապոլում, Կարսում և այլ տեղեր զանազան մարդկանց ձեռքով զանազան արխիվներ են վաճառվում խանութպաններին իբրև անպետք թուղթ և այդպիսով կորստյան մատնվում խիստ արժեքավոր փաստաթղթեր ու վավերագրեր:

Հայտնելով այս մասին, խնդրում եմ Ձեզ, պ[արոն] մինիստր, բարեհաճել կարգադրել Ձեզ ենթակա հիմնարկություններին միջոցներ ձեռք առնելու արխիվների պահպանության համար:

Հանրային կրթության և արվեստի մինիստր՝ Ն. Աղբալյան

22 ՊՊԿԱ, ֆ. 200, ց. 1, գ. 152, թ. 55: Բնագիր, մեքենագիր:

№ 8

Հանրային կրթության և արվեստի մինիստր Ն. Աղբալյանի կազմած տեղեկագիրը՝ ուղղված արտաքին գործերի մինիստրությանը՝ Հայաստանի Հանրապետության 1918—1919 թթ. տարրական դպրոցների մասին

18 օգոստոսի 1919 թ.

Երևան

Ամբողջ Հայաստանի տերիտորիան բաժանված է եղել երկու տեսչությունների: Առաջին տեսչությունը իր մեջ ընդգրկել է Երևանի, Ալեքսանդրապոլի և Ղարաքիլիսայի շրջանները, երկրորդ տեսչությունը՝ Նոր Բայազետի, Իջևանի և Դարալագյաղի շրջանները:

Առաջին տեսչության մեջ բաց է եղել 29 պետական դպրոց, ուր պաշտոնավարել են 56 ուսուցիչ, Բ տեսչության մեջ եղել է 49 դպրոց՝ 97 ուսուցչով: Ամբողջ Հայաստանում եղել է 48 ծխական դպրոց՝ 107 ուսուցչով:

Երևան քաղաքում եղել է քաղաքային խնքնավարության հսկողության տակ 4 դպրոց՝ 23 ուսուցչով, Ալեքսանդրապոլի քաղաքային խնքնավարությունը ունեցել է 3 դպրոց՝ 20 ուսուցչով:

Ամբողջ Հայաստանում գոյություն են ունեցել 133 տարրական դպրոցներ՝ 303 ուսուցչով: Այն նույն տերիտորիայի վրա երկու-երեք տարի առաջ եղել են նույն տիպի մոտ 600 դպրոցներ:

Դպրոցների մեծ մասում ուսումը ավսլել է դեկտեմբերին, տարվա ընթացքում, հիվանդությունների պատճառով, եղել են պարապմունքների ընդհատումներ, նույնիսկ ամիսներով:

Այժմ ենթադրվում է ունենալ մոտ 500 տարրական դպրոց՝ հայերի, ռուսների, հույների և թուրքերի համար. այդ դպրոցներում պաշտոնավարելու են մոտ հազար ուսուցիչ, ամբողջ ծախսեր ենթադրվում է 26 միլիոն ռուբլի:

Հանրային կրթության և արվեստի մինիստր՝ Ն. Աղբալյան

22 ՊՊԿԱ, ֆ. 200, ց. 1, գ. 152, թ. 114: Բնագիր, մեքենագիր:

№ 9

Հանրային կրթության և արվեստի մինիստրության օրինագիծը՝ ներկայացված և Ալեքսանդրապոլում հայոց լեզվի դասընթացներ հիմնելու մասին

14 հոկտեմբերի, 1919 թ.
Երևան

Հանրային կրթության և արվեստի մինիստրությանը՝ 12600 ռ[ուբլի] վարկ բանալ ներկայացվում և Ալեքսանդրապոլում Հայաստանի պաշտոնեությունների համար հայոց լեզվի դասընթացներ հիմնելու նպատակով:

Հանրային կրթության և արվեստի մինիստր՝ Ն. Աղբալյան

22 ՊՊԿԱ, ֆ. 199, ց. 1, դ. 98, թ. 58, Բնագիր, մեքենագիր:

№ 10

Հայաստանի Հանրապետության խնամատարության և աշխատանքի նախարարության գրությունը նախարարների խորհրդին՝ Շարուրի և Նախիջևանի շրջանների հայերի ծանր վիճակի և նրանց օգնություն ցույց տալու մասին

№ 9482

15 նոյեմբերի, 1919 թ.
Երևան

Վերջին շաբաթվա ընթացքում մինիստրության ստացած տեղեկություններից երևում է, որ Շարուրի և Նախիջևանի շրջանների հայ ազգաբնակչությունը գտնվում է ծայր աստիճան ողբալի դրության մեջ:

Տեղական թուրք խառնուրդներն ամեն կերպ արգելում է նրանց հաց և արյ մթերքներ բաժանելը, ուստի և սովամահության դեպքերը փնտրվում շատ անում են: Ամերիկյան ներկայացուցիչները անգոր են նրանց օգնության հասնել:

Հայտնելով Ձեզ այս մասին, խնդրում եմ կարգադրել՝ 1) որ արտաքին գործոց մինիստրը բանակցություններ վարե թուրքական ազգային խորհրդի և Ադրբեջանի ներկայացուցչի հետ՝ հայ ազգաբնակչության Շարուրից և Նախիջևանից դուրս բերելու համար և 2) հանձնարարել խնամատարության և աշխատանքի մինիստրության՝ դրամ հատկացնել, ամերիկացիների միջոցով՝ այդ ազգաբնակչության կարիքների և տեղափոխության համար:

Խնամատարության և աշխատանքի մինիստր՝ Ա. Բաբալյան

22 ՊՊԿԱ, ֆ. 200, ց. 1, դ. 53, թ. 223, Բնագիր, մեքենագիր:

№ 11

Հայաստանի Հանրապետության խորհրդարանի օրինագիծը՝ Հայաստանի սահմաններից դուրս գտնվող հայկական դպրոցներին նյութական օգնություն ցույց տալու մասին

20 դեկտեմբերի, 1919 թ.
Երևան

Հանրային կրթության և արվեստի մինիստրության առումով 1.500.000 ռ[ուբլի] վարկ բանալ Հայաստանի սահմաններից դուրս գտնված հայ կրթական հաստատություններին նպատակով:

Մինիստր՝ Նախագահ՝ Ա. Խատիսյան

Հանրային կրթության և արվեստի մինիստր՝ Ն. Աղբալյան

Ֆինանսների մինիստր՝ Ն. Արարատյան

22 ՊՊԿԱ, ֆ. 199, ց. 1, դ. 98, թ. 101, Բնագիր, մեքենագիր:

№ 12

Խորհրդարանի օրենքը՝ պետական լեզվի մասին

26 դեկտեմբերի, 1919 թ.

Երևան

1. Հայաստանի Հանրապետության պետական լեզուն հայերենն է և պարտադիր՝ զորքի ու բոլոր պետական և հասարակական հաստատությունների մեջ: Այլ լեզուների գործածությունը պետական ու հասարակական հիմնարկությունների մեջ սահմանվում է հատուկ օրենքով:

2. Պետական և հասարակական հաստատությունները պարտավոր են վեց ամսվա ընթացքում հայերենը դարձնել պետական գործավարության պաշտոնական լեզու:

Փոխնախագահ պապամենտի՝ Լևոն Շանթ

ի տ[եղի] ավագ քարտուղարի՝ Ա. Սաֆրաստյան

22 ՊՊԿԱ, ֆ. 207, ց. 1, դ. 392, թ. 46: Պատճեն, մեքենագիր:

№ 13

Հանրային կրթության և արվեստի մինիստրի գրությունը մինիստրների խորհրդին՝ նախկին հուշարձանների պահպանության գործում մինիստրության ներկայացուցչի մասնակցության հարցի մասին

№ 5020

31 դեկտեմբերի, 1919 թ.

Երևան

Ըստ նախարարական խորհրդի դեկտեմբերի 19-ի որոշման՝ գաղթականության կողմից դատարկ դյուղերը բնակեցնելու գործին վերաբերյալ խընդիրները ենթակա են խնամատարության և ներքին գործոց մինիստրների հոգածության:

Ի նկատի ունենալով, որ պատմական Հայաստանի հողի վրա մահմեդական տարրերը տեղավորված էին առավելապես այնպիսի վայրերում, որոնք կամ պատմական մեծ նշանակություն ունեին, կամ թե միևնույն ալժամ դեռ պահած են իրենց նյութ հին հուշարձաններ, շատ նպատակահարմար է այժմենթ, երբ այդպիսի տեղերից շատերն արդեն դատարկ են բնակչությունից, վարդապետներ, որ նման տեղերն այսուհետև կամ լիքը հնադարյան վայր բուրրավոր ազատ մնային բնակչությունից, կամ թե օտար տարրերը փոխարինեն հայերով:

Այդ պատճառով խնդրում եմ նման խնդիրների լուծման մեջ թույլ տալ մասնակցել հանրային կրթության և արվեստի մինիստրության ներկայացուցչին՝ խորհրդակցական ձայնով:

Հանրային կրթության և արվեստի մինիստր՝ Ն. Աղբալյան
22 ՊՊԿԱ, ֆ. 199, ց. 1, դ. 98, թ. 111: Բնագիր, մեքենագիր:

№ 14

Հաղորդակցության մինիստրության ծանուցումը հանրային կրթության և արվեստի մինիստրին՝ գրագրությունը հայերեն լեզվով վարելու մասին

№ 1107

11 ապրիլի, 1920 թ.

Երևան

Այսու հաղորդում եմ Ձեզ ի գիտություն, որ սույն թվի մայիսի 1-ից

բոլոր ներքին հեռագրերը, բացի գինվորական բնույթ կրող հեռագրերից, կրն-
դունվեն բացառապես հայերեն լեզվով:

Նախարար՝ Ա. Զամալյան

ՀՀ ՊԳԿԱ, ֆ. 207, ց. 1, գ. 391, թ. 13: Բնագիր, ձեռագիր:

№ 15

Հաղորդակցության միևնույն ժամանակ հանրային կրթության
և արվեստի միևնույն ժամանակ գիվանի տեսչին՝ գրադրությունը
հայերեն լեզվով վարելու մասին

№ 1836

17 յայտի, 1920 թ.
Երևան

Համաձայն հաղորդակցության նախարարի կարգադրության, պատիվ
ունիմ հաղորդելու Ձեզ, որ սույն թվի հունիսի 1-ից սկսած միևնույն ժամանակ
ուղղված բոլոր գրադրությունները պետք է լինին միմիայն հայերեն լեզվով
գրված. ուսանողները գրությունները ուղարկության չեն առնվի:

Դիվանի տեսուչ՝ Զալալյան

ՀՀ ՊԳԿԱ, ֆ. 207, ց. 1, գ. 391, թ. 17: Բնագիր, ձեռագիր:

№ 16

Հանրային կրթության և արվեստի միևնույն ժամանակ շրջաբերականը՝
ուղղված Ալեքսանդրապոլի առևտրական միջնակարգ դպրոցի
վերադասչին՝ նախարար քառի գործածության մասին

№ 3316

9 օգոստոսի, 1920 թ.
Երևան

Նախարարների խորհրդի որոշման համաձայն առաջարկում եմ այսու-
հետև միևնույն ժամանակ գրություն բառերի փոխարեն գործածել նախարար,
նախարարություն:

Միջնակարգ դպրոցների բաժնի վարիչ*

ՀՀ ՊԳԿԱ, ֆ. 207, ց. 1, գ. 392, թ. 5: Բնագիր, մեքենագիր:

№ 17

Հայաստանի Հանրապետության Արտաքին գործերի նախարարության
տեղեկագիրը՝ ուղղված նախարարների խորհրդին՝ Հայաստանի
գիվանագիտական ներկայացուցիչների և հյուպատոսների մասին

29 սեպտեմբերի, 1920 թ..
Երևան

* Ստորագրությունն անընթեռնելի է:

Վայր	Պատճառ	Հետազոտողներ
Վարդապետ		
1. Թիֆլիս	Դիվանագիտական ներկայացուցիչ	Քեկզադյան
2. Բաթում	Հնդհանուր Հյուպատոս	Աթաբեկյան
3. Սուխում	Հյուպատոս	Սահակյան
4. Սոչի	Հյուպատոսի պաշտոնակատար	Ա. Բ. Հակոբյան
5. Փոթի	Գործակալ	Թյուրքյան
Ադրբեջան		
6. Բաքու	Դիվանագիտական ներկայացուցիչ	Մ. Հարությունյան
6ա. Բաքու	Հյուպատոս	Ներսիսյան
Ռուսաստան		
7. Մոսկվա	Դիվանագիտական ներկայացուցիչ	Ծղիադարյան
8. Ռոստով	Հնդհանուր Հյուպատոս	Գ. Զախուշյան
9. Օդեսա	— — —	Ծ. Մելիքյան
10. Նովոռոսիյսկ	Հյուպատոսի պաշտոնակատար	Կապիտան Տոնև
11. Սեաստոպոլ	— — —	Սաղաթեկյան
12. Կիև	— — —	Բժիշկ Մելիքյան
13. Խարկով	— — —	Բժիշկ Յուզբաշյան
14. Վլադիկավկազ	Հյուպատոս	Սառիկյան
15. Կասնովոպոլսկ	Հնդհանուր Հյուպատոս	Բախշի Աթալյան
16. Արմավիր	Հյուպատոսի պաշտոնակատար	Ներսիսյան, Կոխարեն Բժիշկ Տամաշյան
17. Սաավրոպոլ	Հյուպատոսի պաշտոնակատար	Արսեն Փալանթար
18. Նկատևրիտդար	— — —	Սաղաթեկյան, Կոխարեն Բախշի-սարայցև
Պարսկաստան		
18ա. Թեհրան	Դիվանագիտական ներկայացուցիչ	Արդուբյան
Տաեկաստան		
19. Կ. Պոլիս	— — —	Թահթաճյան
Հունաստան		
20. Աթենք	— — —	Տիգրան Զալան
Ռումինիա		
21. Սամոռիվար (Արմենոպոլիս)	Հյուպատոսի պաշտոնակատար	Պապ Գուստավ
22. Բեռլին	Դիվանագիտական ներկայացուցիչ	Դոկտոր Գրինֆելդ
Ֆրանսիա		
23. Մարսել	Հյուպատոս	Տիգրան Միրզոյան
Անգլիա		
24. Լոնդոն	Դիվանագիտական ներկայացուցիչ	Հովհաննես Մասեհյան
Իտալիա		
25. Դոմ	Դիվանագիտական ներկայացուցիչ	Միքայել Վարանդյան
26. Միլան	Հյուպատոսի պաշտոնակատար	Դիլիպյան
Շվեյցարիա		
27. Ժնև	Հյուպատոսի պաշտոնակատար	Ներսիզ

1	2	3
Էջիւյտոո		
28. Կահիրէ	Դիվանագիտական ներկայացուցիչ	Խոսրով Զոհրապ
Աբխազիա		
29. Ադիս-Աբեբա	Դիվանագիտական ներկայացուցիչ	Մարտիկ Գեորգով
29ա. Ադիս-Աբեբա	Հյուպատոս	Հակոբ Պատապան
Ամերիկա		
30. Վաշինգտոն	Դիվանագիտական ներկայացուցիչ	Փաստրմաճյան
Հասպոնիա		
31. Տոկիո	— — —	Տիկին Արզար
Եթովպիա		
32. Հելսինգֆորս	Հնդհանուր հյուպատոս	Միքայել Ասատուրյան

22 ՊՊԿԱ, ֆ. 199, ց. 1, գ. 198, թթ. 9—11, Բնագիր, մեքենագիր:

№ 18

Հայաստանի Հանրապետության խորհրդարանի որոշումը՝ խորհրդարանի անդամ Սիմեոն Վրացյանին վարչապետ ընտրելու մասին

24 նոյեմբերի, 1920 թ.
Երևան

Պառլամենտը 1920 թ. նոյեմբերի 23-ի նիստում վարչապետ ընտրեց պատգամավոր Սիմեոն Վրացյանին և հանձնարարեց նրան կառավարություն կազմել:

Նախագահ պառլամենտի՝ Հովհաննես Քաջազնունի
Ավագ քարտուղար՝ Հ. Տեր-Հակոբյան

22 ՊՊԿԱ, ֆ. 198, ց. 1, գ. 75, թ. 3: Բնագիր, մեքենագիր:

№ 19

Հայաստանի Հանրապետության կառավարության հռչակագիրը՝ առկա կացության և երկիրը պաշտպանելու մասին

24 նոյեմբերի, 1920 թ.
Երևան

Տարապալման դժվարին ժամանակներում է վրանքի կոչվում ներկա կառավարությունը: Տաճիկ զինված ուժերը գրավել են մեր երկրի վտույտ մասը: Ազգաբնակչությունը գրավված վայրերից տեղահան է եղած և գաղթական վիճակի մեջ անխնա կոտորվում է ցրտից և սովից: Պետության ներսը վրանքի բնականոն ընթացքը խանգարված է: Վարչական մեքենան թուլացած է մեծապես, ֆինանսական և հաղորդակցության միջոցները քայքայված, արդարադատությունը անհնարին սխալվում, պարենի մուտքը գրեթե կանգ է առել, իսկ ներսի աղբյուրները ցամաքում են արագությամբ: Կայուն չէ և ժողովրդի հոգեկան դրությունը, որ իրեն սպառնացող ահապտու վտանգի դիմաց անկարող եղավ բավարար կամք և վճռականություն ցույց տալ: Եվ այսպես,

երկիրը ապրում է ներքին ծանր տագնապ, որ ավելի ևս սաստկանում է արտաքին դժվարությունների պատճառով:

Ինչի՞ պատճառ է ձգտի այսուիսի. հանգամանքներում նոր կառավարությունը:

Վերջին տարիների ընթացքում անդրկովկասյան ժողովուրդներին հասած բոլոր աղետների և դժբախտությունների պատճառը աշխարհի հզորների վարած խմբերի ալիստական քաղաքականությունն է, որի հետևանքով անվերջ և արյունահեղ վրիպների և ավերածությունների թատերաբեմ է դարձել նաև Հայաստանը: Այդ քաղաքականությունը սպառել է Հայաստանի դեմոկրատիայի շինարարական եռանդը: Այդպիսի քաղաքականության հետևանքներից մեկն է նաև վերջին պատերազմը իր բոլոր արհավիրքներով: Ներկա կառավարության առաջին և գլխավոր նպատակն է չինելու հանել մեր երկիրը քաղաքական այս ջրապտույտից և ազատել նրան օտար ուժերի քայքայիչ ազդեցությունից: Հայաստանի պետական կառուցվածքը խարսխելու և բուրրանավորելու է, հլենելով ոչ թե օտարների սկսն և վտանգավոր ներշնչումներից, այլ Հայաստանի դեմոկրատիայի իրական կարողությունից և հարևան ժողովուրդների հետ խաղաղ համակեցությունն ասեղծելու ցանկությունից: Հայաստանի կառավարությունը, ամուր Խոտ դնելով այս ուղու վրա, հույս ունի, որ վերջին օրերի մեր քաղաքական կյանքը վրդովող այս պատերազմը կվերջանա հաշտությամբ և մեր հարևան տաճիկ ժողովրդի արդարացի իրավունքների նույնքան արդարացի բաշխում: Մեր գործունեության նշանաբան է լինելու անկեղծ հաշտությունը Տաճկաստանի հետ և համերաշխություն ու խաղաղ համակեցություն բոլոր հարևան ժողովուրդների հետ:

Այսուհանդերձ, մենք գիտակցում ենք, որ հասարակական ներկա կարգերում, տարաբախտաբար, չլիարդը գեռ ոչ թե արդարությունն է, այլ ուժը: Եվ պետական ամեն մի կազմավորում իր գոյությունը և արդար իրավունքներն ապահովելու համար ստիպված է ունենալ կազմակերպված և ամուր ռազմական ուժ: Ուստի և կառավարության գլխավոր հոգսերից մեկը պետք է լինի երկրի ուժերի հավաքումը և ժողովրդական պուռ բանակի կազմակերպումը: Այդ նպատակով մենք աշխատելու ենք առողջացնել զորքի շարքերը և ուժեղացնել պետական գիտակցությունն ու անձնագոհության զգացումը բանակի մեջ: Նույն նպատակով մենք մտածում ենք ազատել բանակը անվարժ և հոգնած տարրերից, զորացրում կատարելով բարձր հասակի զինվորների, որով ավելի բնականոն ընթացքի մեջ կմտնի թիկունքի կյանքը և զարկ կտրվի տնտեսական զարգացմանը:

Դավանելով «ամբողջ իշխանությունը աշխատավոր ժողովրդին» ակզբունքը, ներքին կյանքում կառավարությունը ուժգնորեն պայքարելու է պետության հիմքերը փոքրող բոլոր ուժերի և երևույթների դեմ: Նա պետք է աշխատի հաստատել երկրի ներսում ապրող բոլոր ցեղերի իրական հավասարությունը, Հայաստանը նրա սահմաններում ապրող բոլոր ժողովուրդների սեփականությունն է կազմում: Կառավարությունը պիտի ձգտե առողջացնել վարչական և դատաստանական խանգարված մեքենան, բարեկարգել հաղորդակցության միջոցները, կուլել ֆինանսական սուր տագնապի դեմ, կրճատելով պետական ծախսերը և նպաստելով երկրի արտադրական ուժերի զարգացման, ուժեղացնել տեղական ինքնավարությունները և վերացնել ամեն տեսակի արտակարգ դրությունը և երկիրը կառավարելու արտակարգ ձևերը: Օրենքի գիտակցությունը, որ աշխատե թուլացել է մեզ մոտ, պետք է ուժեղացվի, և հանցավորները պետք է պատժվին անխնայ: Պատերազմի արհավիրքների ռոդունք բազմահազար գաղթականության վիճակը թեթեվացնելու և պարենավորման սուր ճգնաժամը մեղմացնելու խնդիրը կառավարության լուրջ հոգսերից մեկը պետք է լինի:

Լայն ընկերային խնդիրների մասին մենք չենք խոսում այստեղ, որովհետև մեր նպատակն է ընդգծել մոմենտի հարցերը: Ինչ ասել կուզի, որ առաջին իսկ հնարավոր դեպքում կառավարությունը կզբաղվի սոցիալական

լուրջ բարենորոգումներով, և այստեղ կարիք չկա բացատրելու թնույթը այդ բարենորոգումների, որովհետև նրանք բխելու են սոցիալիստներից կազմված կառավարության աշխարհայացքից:

Ապստինիով Հայաստանի աշխատավոր ժողովրդի ունալ ուժերին և հենվելով պառլամենտի վստահության և աջակցության վրա, կառավարությունը կլարե իր բովանդակ ուժը, որպեսզի հեռու պահե երկիրը արտաքին փոթորիկներից և տա ժողովրդին խաղաղություն և անարգել զարգացման հնարավորություններ: Մեր բուռն փափաքն է դարձնել ազատ և անկախ Հայաստանը ապահով և բարգավաճ:

Ս. Վրացյան

ՀՀ ՊԳԿԱ, ֆ. 199, ք. 1, գ. 198, Բ. 144: Տպագիր օրինակ: